



陕西省图书馆
 编 289
 登记号 12818

00814

平利縣志書

分野

按井鬼爲秦分野平利雖在漢南歷係秦地應屬井鬼但
班史有云楚地翼軫分野漢中盡楚分也况平邑更在漢
中東南較近於楚宜從翼軫分野爲是

建制

平利縣明隸興安州

本朝因之釋名午利唐縣名舊唐書云後周於平利川置
吉陽縣武德初改曰平利縣以川名也

唐虞為金提國地路史夏為梁州之域通志商為荊州之

域通志周為金國地周附庸金州也唐韻戰國為楚地州

志秦為西城縣地秦惠王始置西城縣屬漢中郡州志漢

為西城縣地屬漢中郡通志後漢為西城縣地屬西城郡

水經晉為上廉縣屬上庸郡晉書地理志後漢西城縣地在於

今平利縣南平利川置上廉縣取上廉水為名寰宇記上廉

城在平利縣東平利縣舊志魏為吉陽縣宋新興太守領吉陽

令本益州流民宋州志宋末初後廢蕭齊復置通志齊屬新

興郡南齊州郡志上廉縣後移還上庸於平利川置吉陽周地圖志

西魏為吉安縣屬金州梁初曰上廉後曰吉陽西魏改吉

安屬金州魏興郡隋書地平利縣在州東七十里晉於縣

南平利川置上廉後魏改吉安寰宇記後周為吉安縣後魏

吉安縣後周天和四年省西城縣仍移吉安於西城縣解

理為金州治故城遂廢寰宇記隋為金州縣地寰宇記按金州為今興安州

唐為平利縣武德元年以故吉安置屬金州漢陰郡大曆

六年省入西城長慶初復置仍屬漢陰郡唐書地武德元

年於上廉城置平利縣八年又移於古聲口水之東即今

縣河黃洋之北即縣治也寰宇記平利舊基在縣東一百三

十里女媧山之東馬志五代平利縣屬金州周顯德一年

伐蜀蜀持孟貽業置軍平利為褒漢之援五代史宋為平利

縣熙寧六年省為鎮入西城元祐復屬金州安康郡宋史地理志

宋以平利為鎮尋復置縣隸雲安郡後仍屬金州興安州志元

改平利為巡檢司州志平利元省入金州續通考明為平利

縣在州東南九十里明一統志縣舊治在女媧山東洪武五年

縣丞馮宛移建於山西十五里漢中府志元改為巡檢司隸興

元路洪武五年仍為平利縣屬漢中府嘉靖二十九年復

隸金州萬曆十二年隸興安州又洪武五年改遷平利縣

先是舊治在白土關東既而遷於石牛河口至是始改遷
於女媧山西灌河口

興安
州志

城地

縣城明洪武五年建舊治在石牛河被水冲崩始遷今治
成化二十一年脩築周六里東西南三門東西阻水南北
倚山隆慶元年以傾圮難葺改築約三分之一北倚龍山
南臨灌溪悉甃以石周三百六十五丈共四里有奇門四
尋以北門不利閉塞之今俱空地雍正六年五月水冲西
南二處壞六十餘丈

疆域

按縣境在州南少東九十里東西廣二百一十里南北袤五百六十里東一百五十里至白土關埡抵湖廣竹谿縣界南五百一十里至鷄心嶺抵四川奉節縣界西五十里至狗脊關抵興安州界北四十里至高望山界牌石抵興安州界東南一百五十里至固城洞南江河抵湖廣竹谿縣界東北一百六十里至大頂山係湖廣竹谿縣本州洵陽三屬交界西北三十里至紙房河抵興安州界西南二百六十里至花池嶺抵四川太平縣界

山川

龍山在縣北城緣山頂縣治倚山麓錦屏山在縣治南半
里署中坐對岡峦環抱週遮草樹雲烟爛然女媧山一名
中皇山在縣東晉末初中桓温伐閩中命司馬運動出子
午道為苻雄所敗退屯於女媧堡新唐志平利縣有女媧
山九域志西城縣有女媧山時平利省入西城也輿地紀
勝在平利縣東有祠曰女媧聖后府志山在縣東三十里
灌溪源出於此州志岡峦起伏蜿蜒四十餘里松子山在
縣東六十里高峻其上有池名天心水又東有了角山二

峯並峙形如了角故名又了角山在縣東北一百里與洵
陽縣接界筆架山在縣東一百五十里以形似名藥婦山
寰宇記在縣東南八十五里周地圖記云昔夫婦携子入
山其父落崖妻子攜藥救之尋俱化爲三石人名以此得
山頂藥臼尚存秋山在縣東南一百九十里通四川路山
頂上下四十里林木蔽日四時凝雪不消中有一碗泉隨
飲隨溢化龍山在縣南二百里上有九台十三灣多奇鳥
佳水又有苦竹竹米可充食歎歲居民籍之花池山在縣
南三百里州志由化龍山脊一百二十里通花池山由花

池山脊一百七十里通四川太平大寧等處叢林密菁絕
無居人觀山在縣西一里山勢起伏屹然中嶂為縣治水
口中有玄天觀故名馬鞍山在縣西三十里又冊說有嵒
冢山在縣西四十里高皇山在縣北三十里孤峯獨聳以
上有高皇廟而名石梁山在縣西南一百二十里連峯絕
壑山勢峻險盤踞數十里舊為流賊盤據之所大頂山在
縣東北一百六十里光頭山在縣北三十里與高皇山相
連馬鬃嶺在縣東六十里以形似馬鬃而名下有洞曰羅
圈洞狗脊嶺在縣西肆拾里亦以形似名與州接界八里

會石牛河南流入界溪河松杉河在縣東一百六十里源
發武陵閔下流入漢江南江河在縣東南六百里接大寧
縣界上源洞曰小源溪由母猪峽東北下流水經湖廣竹
山縣入漢江其地舊有表溪閔置巡司屬大寧縣天池在
縣文廟後池水清徹大旱不涸又清平泉在縣治東百步
其水至清居民飲之不生癭瘡龍潭在縣東六十里

古蹟

女媧舊治路史女媧立治於中皇之山繼與於驪中皇山
即今女媧山上有三台鼎峙登高俯視恍見千峰拱衛萬

整朝宗之勢八陣圖相傳武侯經此疊石為圖至今土人
誤入即迷在秋河係秦楚蜀三省交界要地石牛舊傳石
牛河有一石牛日久為崇食人苗稼又復見形於州地牛
蹄嶺今石上蹄跡尚存詢之士人云牛現在石牛河側但
斫其首

關梁

白土關在縣東南宋建炎四年賊桑仲犯金州白土關知
州王彥擊敗之府志關在縣東南一百四十里與湖廣竹

谿縣接界

詳見竹谿縣

武陵關在縣東南二百七十里又源溪

岡在縣東九十里岡東西凡八里故名俗名花栗岡其地
山環若城水繞如帶明嘉靖初縣被水災議徙城於此居
民重遷事遂寢即今白土營鎮坪在縣南六百里散子坪
在縣西南四百里中有平地一區東臨韓崖西接四川舊
爲流賊哨聚之所嵐河在縣西南一百五十里源出四川
太平縣界北流至州界入於漢江又牙河在縣西南二百
五十里北流入於嵐河舊志牙河東通金毛關南通鎮平
司明隆慶間招撫巨寇汪拱雲設巡捕主簿於此萬曆中
革黃洋河在縣西十五里源出化龍山風線口西北流由

州境入於漢水州志源出清水閿灌溪河在縣南二十步
源出女媧山西北流至州地入於黃洋河又有月溪河在
縣城北十五步源出高皇山南折西繞縣城而會於灌溪
河水勢環曲如月故名或曰郟寰字記所謂聲水也界溪
河一名堪河在縣東南一百一十里自湖廣竹谿縣北流
逕洵陽縣界入閿河又石牛河在縣東南一百三十里亦
從竹谿縣流出又太平河亦在東南一百三十里源出秋
山會秋河又秋河在縣東南一百九十里源出夔州府大
寧縣界俱北流入界溪河又連線河在縣東一百二十里

會石牛河南流入界溪河松杉河在縣東一百六十里源
發武陵關下流入漢江南江河在縣東南六百里接大寧
縣界上源洞曰小源溪由母猪峽東北下流水經湖廣竹
山縣入漢江其地舊有表溪關置巡司屬大寧縣天池在
縣文廟後池水清徹大旱不涸又清平泉在縣治東百步
其水至清居民飲之不生瘰癧龍潭在縣東六十里

古蹟

女媧舊治路史女媧立治於中皇之山繼與於驪中皇山
即今女媧山上有三台鼎峙登高俯視恍見千峰拱衛萬

壑朝宗之勢八陣圖相傳武侯經此疊石為圖至今土人
誤入即迷在秋河係秦楚蜀三省交界要地石牛舊傳石
牛河有一石牛日久為崇食人苗稼又復見形於州地牛
蹄嶺今石上蹄跡尚存詢之士人云牛現在石牛河側但
斷其首

關梁

白土關在縣東南宋建炎四年賊桑仲犯金州白土關知
州王彥擊敗之府志關在縣東南一百四十里與湖廣竹

谿縣接界

詳見竹谿縣

武陵關在縣東南二百七十里又源溪

關在縣東南五百里接四川大寧縣金毛關在縣南二百里文彩關在縣南四百五十里峭壁百仞梯徑險絕又南五十里有小關子關地連鎮坪為秦楚蜀三徑之交狗脊關在縣西北五十里狗脊嶺與興安州分界處連線寨在縣東一百五十里三面壁立盤曲十五里方至其巔與洵陽縣分界藥婦寨在縣東南八十里藥婦山又天救岩在縣東南一百五十里極險峻金鷄岩在縣東南一百里自金毛關平地突起一山高百丈周環有水明正德征勦流寇常屯兵於此紅軍寨在縣東南六百里九龍寨在縣南

六百里俗傳為古蠻王砦舊跡尚存砦後三里有九龍洞
因名香子寨在縣西南七十里鎮平巡司在縣南六百里
接大寧縣界明正德中因流賊出沒增立長沙舖在縣東
七十里又三泉舖在縣東五十里獨松嶺在縣東一百六
十里在城舖在縣東大街新舖在縣西十五里又馬鞍舖
在縣西二十五里狗脊舖在縣西四十五里狗脊關今屬州

田畝

田二十一頃四十五畝零賦丁糧共四百六十一兩五錢
零遇閏加銀一十八兩五錢零額外清酒課程銀四兩額

外麩香折價銀二兩二錢八分零餘詳賦役全書

戶口

明編戶八里明一統志咸休里舊縣里原額四百九十二戶男

婦大小共一千九百一十三口

風俗

平邑經兵燹之後竹箐荒茅之中土著寥寥皆崇尚儉約
安其居樂其俗敝衣蔬食醇樸自守又環山百匝地氣鬱
瀟不舒故人民多生癭瘡其餘皆五方雜厝之人悍而且
狡大為民害又居民習於惰耕鑿不盡其力灰糞咸棄於

道史所謂地廣人稀火耕而水耨地勢饒飫以故皆窳偷
生無積聚而多貧大都皆類此又婦女無蚕桑紡績之事
是以纏縷山林如子雲所稱帛人不足於夜者亦徃徃有
之至士子多半耕半讀橫經而兼負耒雖習詩書不得專
精肄業是

本朝百年以來文治翔洽而平邑發策決科者尚無其人
豈盡二三子之責是亦司牧者之故也

鹽茶

平邑爲兵火傷殘烟戶僅四百餘家升米合粟易鹽而食

所需有限據前商人張景瑞李弘之始來縣設店運河東
鹽數千餘觔到縣發賣額銷引張拾道載於全書又平利
土產並無茶觔

倉儲

常平倉共貯京斗稻粟穀二千三百二十石零

社倉雍正六年建共貯本穀京斗糧二千九十六石零
祿米每年應徵一十六石零

學校

平利縣學初在縣治東明洪武五年建後隆慶中移建縣

沿西今仍舊原額歲考取進文童八名武童八名科考取
進文童八名廩生二十名二年一貢雍正六年學政揚
題請將寄籍文武改歸原籍廩生缺額雍正八年例應考
貢因額數不足尚未准貢因而四年一貢至乾隆十年補
足廩數仍二年一貢

祠廟

文廟在城內西北隅崇聖祠三間大殿三間兩廡共四間
與櫺星門俱雍正十二年知縣汪疇募紳士捐脩

武廟後殿三間供奉關帝祖父正殿三間前大門戲樓三

間雍正九年知縣王靈募捐建城隍廟在城西街大門戲樓三間

正殿三間前廊房六間後殿三間耳房六間 忠孝祠

在學宮門左偏 節義祠三間在學宮門右偏

玄天觀在城西郊山頂成化初知縣安章建兵燹之後僅

存基址 女媧祠在縣東四十里九域志女媧山上有

女媧廟即此一名三台寺 祖師殿 關帝廟

城隍廟 仙姑廟 西寺 普濟寺 俱在白 興龍

寺大貴觀音堂夾魚寺今毀在迎真觀在獅子垵離縣九

泰山廟在豐口垵離縣一百先農壇在城東半里藉田四

畝九分壇高二尺一寸寬二丈五尺壇後建正房三間配
房東西各二間大門一座圍牆六十八丈高八尺雍正三年建
社稷壇八塔壇附俱在城外東南隅鬼神壇在城外西北隅山
川風雲雷雨壇在城西半里

衙署

縣治在城西街大堂三楹二堂三楹前大門一座右土地
祠一所左監倉一所共四間雍正八年知縣王靈捐建儀
門三間左書吏房一間班房一間二堂左側房合二十間
後側女牆右側書房六間雍正八年知縣王靈建書房二

間典史署右縣署左側大堂三間內室五間書房二間舍
房二間堂側書吏房二間班房二間大門一座 訓導署
在學宮左側大門一座三間明倫堂三間舍房七間
把總營房一所在縣東街白土營遊擊署一所守備署一
所把總署營房一所城西二里地名教場坵沿灌溪而
廣約一百餘步袤約三百餘步演武廳舊址也今經
汛在白土關用是荒廢南門外射圃一區寬約三十步長
約百餘步駐防把總演武場也白土營南門外教場一區
廣三百餘步袤六百餘步營汛官兵演武於此又營西南

馬盤山週匝十里許土瘠不生五穀今為營汛牧馬場

職官

國初平邑賊寇盤踞守土之官無從可稽康熙十八年始
鑄印信平邑設官厥由此始但歷年未久而文武正佐任
謝年月履歷籍貫率多闕畧有並名諱而遺之者豈無循
良而湮沒不傳良可慨也

知縣

章安太原人明成化元年任

劉倫濟寧人明成化戊

戌任

趙相賢內黃人明成化間任

羅堪隆慶辛

未任 李應化隆慶間任 張極臨清舉人萬曆八

年任

本朝

王章浙江紹興人典史捐陞陶成珂山西寧武人例監馬藻直隸

通州人例監李日建廣東仁化人舉人蔣翔鳳江南宜興人歲貢

王靈正藍旗漢軍雍正元年任六年押運兵糧由西寧進

藏從四川四十年陞江寧同知

汪疇江南嘉定縣人歲貢吏部學習雍正八年宣諭留陝

雍正十年陞平利縣因廉明公正於雍正十三年調於漢

中府鳳縣

古澧湖北安陸府荊門州庚戌科進士雍正十三年到任
居官清廉愛民如子

唐丙廣西舉人

顧廷璣貴州舉人

齊世雄直隸保定府高陽縣人丁巳科進士

縣丞

馮宛 洪武初任 初縣治在女媧山 東自宛始移今所

典史

栗志學 襄垣人 成化年署縣事 李積 嘉靖十三年任

劉朝相 隆慶間任 陽廷烈 萬曆八年任 許及第 崇禎

元年任

本朝 典史

史 北直人 尹鐸 北直人 徐混 直隸通州人 劉俊

邦山 東陽人 王靖恭 浙江紹興人 魯宗虞 浙江錢

塘人

主簿

宋天祿嘉靖十三年任 范志仁萬曆初年任 按舊志

明隆慶間招撫巨寇汪拱雲設巡捕主簿於牙河萬曆中

革今考未係嘉靖中任則非隆慶間可知矣

巡檢司駐鎮坪明正德中設康熙十五年裁

教諭

劉博四川人貢生成化二十年任 吳玠萬曆間任

羅袞後陞上蔡縣知縣

本朝訓導

麻耽 聞 李 富平人 梁 興平人 武 延安人

何達 慶陽人 劉以惠 商州人 胡祚昌 金縣人 田璿

富平人 歲貢 雍正八年任 劉良寧 夏中衛縣人 趙黃

黎鳳翔 人

縣署六房書吏六名 經制役 滿考職

總吏二名 雍正五年 設立今裁 門子二名 皂隸十四名 馬快八名

民壯 二十 七名 禁卒八名 轎傘夫七名 庫子四名 斗級

四名

典史衙門攢典一名

門子一名

皂隸四名

馬夫一名

訓導衙門攢典一名

齋夫三名

膳夫二名

門斗二名

兵防

縣城駐防把總一員兵五十名

雍正年設

白土營經制額設馬

戰兵一百八名步戰兵六十二名守兵三百七十名

鳳山塘縣西四十里舊有稅課司署址猶存今設塘汛

豐口汛縣南一百一十里近石梁山駐防把總一員兵三

十名 秋河汎縣東南一百八十里南通川蜀要路今設塘汎 閔埡塘在縣東南一百六十里東接鄖陽府竹谿縣今設塘汎

選舉

余俊永樂十二年甲午科教諭 黎泰永樂二十一年癸

卯科 羅世濟明萬曆己酉科解元任沔池縣教諭

賈超俊康熙五十六年丁酉武科第二十一名 龔廉雍

正二年甲辰武科第十七名

明貢生

李涵咸寧人平利學 吳聰朝邑人平利學 歸旬朝邑人平利學 李九齡朝邑人

本朝貢

高爾敬康熙三十七年歲貢潼關儒學訓導 曹爾敬康

熙四十一年歲貢選潼關儒學訓導 曹爾恭康熙四

十七年歲貢選崇信縣儒學訓導 劉珍康熙六十年捐

納教諭 何灃安化訓導 趙有義康熙四十六年恩貢

田廷彥康熙六十一年恩貢 范煥文康熙三十五年歲

貢 蘓來奉康熙壬子選拔 高爾讓康熙三十七年歲

貢 羅萬英康熙三十九年歲貢 張倣仲康熙四十三

年歲貢 馬生麟康熙四十五年歲貢 李君遴康熙五

十一年歲貢 張爾文康熙五十三年歲貢 周上文康

熙五十五年歲貢 王友文康熙五十七年歲貢 張衡

仲康熙五十九年歲貢 李如琇康熙六十一年歲貢

羅鑑雍正二年歲貢 陳篇雍正四年歲貢乾隆八年選

畧陽訓導 未到任故 吳士雄雍正六年歲貢 王崇文雍正

十三年歲貢乾隆十二年選耀州訓導 王廷弼乾隆三

年歲貢 武成周乾隆七年歲貢 陳帝典乾隆六年拔

貢 楊秉禮乾隆十一年歲貢

楊秉性乾隆十三年

歲貢

人物

明羅世濟字虛州平利人萬曆己酉鄉舉官沔池縣教諭
素負大義闖賊入閩即毅然以死自誓既而沔池失陷力
戰被執不屈死之子得鴻練鄉兵守平利殺賊過多城破
與妻子俱死焉

節孝

李氏興安庠生李時措之女縣民楊啟勇之妻也康熙二
十六年氏年二十適楊越七載夫病故氏年二十有七痛
哭絕食誓不獨生親戚以翁姑年老兩子皆幼大義苦相

勸勉氏不得已乃食氏性勤儉紡績資生事親如子訓子如父三十八年翁揚運亨沒氏喪葬盡禮姑孔氏病卧床半載氏奉湯藥無怠後姑年九十餘以壽終氏訓二子以義方又延名師以課經藝長子秉恒次子秉性俱相繼入泮氏居家嚴肅閨門凜然內外大小秩秩序序鄉黨親戚莫不矜式純孝苦節歷數十年宛如一日雍正四年奉旨旌表建坊六年二月氏卒年六十有四

孝子順孫揚秉恒少孤七歲喪父其祖父運亨祖母孔氏撫育成立十八歲入泮家本窮寒躬耕奉養而菽水無缺

及祖父母病故一切奠祭盡禮盡誠其母李氏身得老恙
擇醫調治經年不愈伊晝夜不寐親操湯藥衣不解帶及
至病故哀痛之狀不能盡述既葬之後每逢月朔必詣其
墓焚香哭泣自始迄今雖風雨暑寒皆莫能阻鄉閭周知
既於乾隆三年奉

旨旌表建坊

